

Član 3.

Sredstva za provedbu ove Odluke obezbjedit će se iz Budžeta Bosansko-podrinjskog kantona Goražde – Ministarstvo za socijalnu politiku, zdravstvo, raseljene osobe i izbjeglice, ekonomski kod 614200 (JAM 004) – Grantovi pojedincima (Zdravstvena zaštita), za 2010.godinu.

Član 4.

Obim prava iz obveznog zdravstvenog osiguranja, kao i način njihovog ostvarivanja, za osiguranike i članove njihove uže obitelji koji nisu osigurani po drugom temelju, Vlada Bosansko-podrinjskog kantona Goražde će regulirati posebnim uputstvom.

Član 5.

Bosansko-podrinjski kanton Goražde – Vlada Bosansko-podrinjskog kantona Goražde, zadržava pravo da, po rješavanju radno-pravnog statusa radnika iz članka 1. ove Odluke, regresno traži naplatu do tada uplaćenih sredstava od strane poslodavca koji je bio dužan da izmiruje obveze iz zdravstvenog osiguranja ovih radnika.

Član 6.

Za provedbu ove Odluke zadužuje se Vlada Bosansko-podrinjskog kantona Goražde.

Član 7.

Prava utvrđena ovom Odlukom koristit će se u periodu od 01.01.2010.godine do 31.12.2010. godine, a Odluka će

se objaviti u „Službenim novinama Bosansko-podrinjskog kantona Goražde“.

Broj:01-37-424/10 REDSJEDATELJ
31. 05.2010.godine Begović Alija,v.r.
G o r a ž d e

478

Na temelju članaka 36. i 168. do 173. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj:10/08), Ustavno i zakonodavno-pravno povjerenstvo Skupštine Bosansko-podrinjskog kantona Goražde, na sjednici održanoj 16. lipnja 2010.godine, utvrdila je prečišćeni tekst Zakona o Agenciji za privatizaciju u Bosansko-podrinjskom kantonu Goražde.

Prečišćeni tekst Zakona o Agenciji za privatizaciju u Bosansko-podrinjskom kantonu Goražde, obuhvata:

- Zakon o Agenciji za privatizaciju u Bosansko-podrinjskom kantonu Goražde (“Službene novine Bosansko-podrinjskog kantona Goražde“, broj: 8/97);
- Zakon o izmjenama i dopunama Zakona o Agenciji za privatizaciju u Bosansko-podrinjskom kantonu Goražde (“Službene novine Bosansko-podrinjskog kantona Goražde“, broj: 8/99);
- Zakon o izmjenama i dopunama Zakona o Agenciji za privatizaciju u Bosansko-podrinjskom kantonu Goražde (“Službene novine Bosansko-podrinjskog kantona Goražde“, broj: 10/00);

- Zakon o izmjenama i dopunama Zakona o Agenciji za privatizaciju u Bosansko-podrinjskom kantonu Goražde ("Službene novine Bosansko-podrinjskog kantona Goražde", broj: 6/10).

Broj:01-02-468/10 P R E D S J E D N I K
16. 06.2010.godine Ustavnog i zakonodavno
G o r a ž d e -pravnog povjerenstva
 Alija Begović,v.r.

478a)

Z A K O N
o Agenciji za privatizaciju
u Bosansko-podrinjskom
kantonu Goražde
/PREČIŠĆENI TEKST/

I - OPĆE ODREDBE

Članak 1.

Ovim Zakonom osniva se Agencija za privatizaciju (u daljem tekstu: Agencija) kao specijalizirana organizacija Bosansko-podrinjskog kantona Goražde (u daljem tekstu: Kanton) i utvrđuje se njen pravni položaj, sjedište, djelokrug i nadležnost, upravljanje, rukovodjenje i financiranje.

II - PRAVNI POLOŽAJ I SJEDIŠTE
AGENCIJE

Članak 2.

Agencija ima svojstvo pravne osobe.

Članak 3.

Sjedište Agencije je u Goraždu.

III - DJELATNOST I NADLEŽNOST
AGENCIJE

Članak 4.

Djelatnost Agencije je obavljanje stručnih i drugih poslova koji se odnose na privatizaciju.

Članak 5.

U okviru svoje djelatnosti Agencija vrši naročito:

- organiziranje i podsticanje privatizacije poduzeća na teritoriji Kantona,
- odobravanje početnih bilansa poduzeća sukladno metodologijom za pripremu poduzeća za privatizaciju,
- određivanje provođenja, organiziranja i nadziranja privatizacije poduzeća na teritoriji Kantona,
- zaključivanje ugovora o privatizaciji poduzeća putem prodaje poduzeća, leasing i drugih metoda,
- organiziranje i podsticanje obrazovanja i stručnog usavršavanja iz oblasti privatizacije,
- pružanje savjetodavne pomoći poduzećima na teritoriji Kantona iz oblasti privatizacije,
- organiziranje i provođenje informativno – propagandne djelatnosti iz oblasti privatizacije,
- obavlja i druge poslove u svezi sa privatizacijom, utvrđene zakonom i drugim propisima i po nalogu Vlade.

Članak 6.

Agencija, u okviru svoje nadležnosti, ima javna ovlaštenja za donošenje pojedinačnih upravnih akata, sukladno Zakonu o općem upravnom postupku.

Članak 7.

Upravni nadzor nad povjerenim javnim ovlaštenjima iz članka 6. ovog Zakona vrše nadležna ministarstva, svako u okviru svoje nadležnosti.

U vršenju upravnog nadzora, ministarstva iz prethodnog stavka rješavaju po žalbama protiv donesenih upravnih akata u vršenju povjerenih javnih ovlaštenja i vrše druge pravne radnje za koje je po zakonu ovlašteno drugostupanje tijelo u upravnom postupku.

Agencija je dužna najmanje jedanput mjesečno ministarstvima iz stavka 1. ovog članka podnijeti izvješće o vršenju javnih ovlaštenja.

IV - UPRAVLJANJE I RUKOVOĐENJE AGENCIJOM

Članak 8.

Agencijom upravlja upravni odbor.

Upravni odbor Agencije sastoji se od predsjednika i četiri člana.

Upravni odbor Agencije imenuje i razrješava Vlada Bosansko-podrinjskog kantona Goražde uz suglasnost Skupštine Bosansko-podrinjskog kantona Goražde.

Mandat članova upravnog odbora traje četiri godine, s tim da po isteku mandata mogu biti ponovo imenovani.

Članak 9.

Upravni odbor:

- donosi statut Agencije i druge opće akte,
- donosi poslovnik o radu,
- donosi pravilnik o unutarnjoj organizaciji Agencije na prijedlog direktora,
- donosi financijski plan i program rada Agencije na prijedlog direktora,
- donosi završni račun i izvješće o radu Agencije,
- utemeljuje povjerenstva i radna tijela Agencije,
- vrši i druge poslove sukladno zakonu i Statutu Agencije.

Članak 10.

Agencija podnosi izvješće o svom radu Vladi Kantona najmanje jedanput u tri mjeseca.

Članak 10. a.

Nadzor zakonitosti rada i financijskog poslovanja Agencije provodi nadzorni odbor.

Nadzorni odbor sastoji se od predsjednika i dva člana.

Nadzorni odbor Agencije imenuje i razrješava Vlada Kantona, uz suglasnost Skupštine Kantona.

Nadzorni odbor podnosi Skupštini Kantona izvješće o svom radu najmanje jedanput u šest mjeseci.

Za vršenje poslova iz svoje nadležnosti nadzorni odbor može angažirati

stručne institucije i neovisne stručnjake.
Mandat članova nadzornog odbora traje četiri godine, s tim da po isteku mandata mogu biti ponovo imenovani.

Članak 11.

Agencijom rukovodi direktor.
U slučaju odsutnosti ili spriječenosti direktora, zamjenjuje ga stručni suradnik za ekonomsko - pravna pitanja u Agenciji.

Direktora imenuje Vlada Kantona, na prijedlog Upravnog odbora Agencije za privatizaciju, na period od četiri godine, a po isteku mandata može biti ponovo imenovan.

Članak 11. a.

Postupak imenovanja na pozicije za koje je utvrđen mandat ovim Zakonom provodi se shodno Zakonu o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 34/03).

Članak 12.

Direktor Agencije organizira i koordinira izvršenje poslova.

Direktor Agencije u svom radu:

- rukovodi Agencijom,
- predstavlja i zastupa Agenciju,
- odgovara za zakonitost rada, pravilno i zakonito vođenje materijalno – finansijskog poslovanja Agencije,
- odlučuje o zapošljavanju i raspoređivanju radnika,
- donosi pojedinačne pravne akte

- iz djelokruga Agencije,
- sprovodi odluke, zaključke i upute Vlade Kantona,
 - obavlja i druge poslove utvrđene zakonom, Statutom i drugim općim aktima Agencije.

Članak 13.

Statutom Agencije uređuje se naročito:

- osnove organizacije i načina poslovanja Agencije;
- tijela upravljanja i rukovođenja Agencijom;
- zastupanje, predstavljanje i potpisivanje u ime Agencije;
- definiranje radnih mjesta sa posebnim ovlaštenjima i odgovornošću;
- druga pitanja u svezi sa poslovanjem Agencije.

V – FINANCIRANJE AGENCIJE

Članak 14.

Sredstva za utemeljenje i poslovanje Agencije osiguravaju se iz:

- proračuna Kantona,
- donacija domaćih i međunarodnih organizacija,
- naknade za usluge i drugih izvora.

VI – PRELAZNE I ZAVRŠNE ODREDBE

Članak 15.

Vlada Kantona imenovat će upravni odbor Agencije u roku od 30 dana

od dana stupanja na snagu ovoga Zakona.

Upravni odbor Agencije donijet će statut i druge opće akte Agencije u roku od 30 dana od dana imenovanja upravnog odbora.

Članak 16.

Vlada Kantona će imenovati direktora Agencije u roku od 15 dana od dana stupanja na snagu ovog Zakona.

Članak 17.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

.....
479

Na temelju članka 24. Zakona o Vladi Bosansko-podrinjskog kantona Goražde («Službene novine Bosansko-podrinjskog kantona Goražde», broj:5/03), članka 4. Uredbe o utvrđivanju platnih razreda i koeficijenata za plaće rukovodećih i ostalih državnih službenika u kantonalnim organima državne službe («Službene novine Bosansko-podrinjskog kantona Goražde», broj:11/07) i članka 4. Uredbe o utvrđivanju platnih razreda i koeficijenata za plaće namještenika u kantonalnim organima državne službe («Službene novine Bosansko-podrinjskog kantona Goražde», broj: 11/07), Vlada Bosansko-podrinjskog kantona Goražde, na svojoj 64. redovitoj sjednici, održanoj dana 26.05.2010.godine, **donosi:**

O D L U K U o utvrđivanju osnovice za plaću i naknade za topli obrok za mjesec SVIBANJ 2010.godine

Članak 1.

Utvrđuje se osnovica za plaću zaposlenih osoba u kantonalnim organima uprave, kantonalnim ustanovama i drugim pravnim osobama koje se financiraju iz Proračuna Bosansko-podrinjskog kantona Goražde, **za mjesec SVIBANJ 2010.godine**, u iznosu od **360,00 KM**.

Članak 2.

Zaposlenim osobama iz članka 1. ove Odluke utvrđuje se naknada za ishranu u toku rada (topli obrok), **za mjesec SVIBANJ 2010.godine**, u iznosu od **8,00 KM** po jednom radnom danu.

Članak 3.

Ova Odluka stupa na snagu danom objavljivanja na službenoj oglasnoj ploči Kantona, a naknadno će se objaviti u «Službenim novinama Bosansko-podrinjskog kantona Goražde».

Broj:03-14-819/10
26.05.2010.godine

P R E M I J E R
Nazif Uruči, v.r.

G o r a ž d e
.....

480

Na temelju članka 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 5/03), Vlada Bosansko-podrinjskog kantona Goražde, na svojoj 64. redovitoj sjednici, održanoj dana 26.05.2010.godine, **donosi:**